

武經七書彙解

朱
壩
輯

武
經
七
書
彙
解

中
州
古
籍
出
版
社

武經七書彙解

朱 壩輯

中州古籍出版社出版

(鄭州市花園路54號)

河北省三河縣燕郊印刷廠印刷

新華書店首都發行所發行

787×1092毫米 16開本 30印張

1989年11月第一版 1989年11月第一次印刷

印數：1—760冊

統一書號：ISBN 7—5348—0148—6/K·26

定價：33元

序

自六經復出於漢學者莫得其本真於是諸儒章句之學興焉其後傳註箋解疏義轉相講述而聖道以明至兵法之書則猶多缺略也然余觀文武兩途如陰陽之不可相無也第文爲陽而主乎春夏武爲陰而主乎秋冬發生者尙仁肅殺者尙義故孔子刪詩書而贊乾元老子則論道德而崇清淨孟子荀卿專本足山莊列申韓惟師柱下蓋

原序

一

虛無流爲刑名刑名流爲兵律

分軌殊趨各有旨歸矣歟是六經之道原簡嚴易直迂儒強爲分疏而煩者不勝其煩七子之言則放誕變遷後人附會支離而略者終守其略雖有張杜梅陳歐陽諸先輩詮釋而世無善本戶少藏書使武士不識統宗良可悼哉余嘗從藝文志緝閱遺編竊有所得也若孫子之詭譎奧深窮幽極渺吳子之醕正簡要恕己近情司馬之縝密謹

原序

二

嚴詳核周至衛公之辨析精微
考據典確尉繚之敦本務實峻
法明刑黃石之機權敏幻智術
淵閎太公之規模濶大本末兼
該是以並列鬻宮武士得其一
二足以建立奇勛豈得謂爲語

原序

三

言文字而不身體力行哉說者
曰暗合運用者在於意授何須
更下註脚失於膠柱刻舟然冥
悟可以求上哲而不可以期中
庸讀書而懷疑如矇瞽之憤憤
於途何如揭日月於中天乎余

故從而訂之疏解有淺深彙集
有先後既統括其大綱更纂序
其神吻必使無義不徹而止世
之好學者其亦鑒余衷哉但余
上之不能脩德行於鄉黨次之
不能効智勇於邊陲僅窮年兀

原序

四

首考同辨異爲蠹魚以老其亦
食仙而不化無補於六經聖道
未免爲君子所鄙笑也已

時

康熙三十九年庚辰吉月穀旦
青溪鹿岡朱墉書

重刊武經彙編總序

夫有文事者必有武備之乎
文事則新民明德之乎武
備必攻心伐謀之者相因而
事功乃濟兵書一道非習之

於常不能應之於變懷自
道光間封疆底定交匪初
平偃武修文人皆忘戰未
幾海疆疊起粵逆相繼
為亂海內騷動者垂二十

年豈非武備不講之故歟余
少孤寡學武略非所知如讀
武備志紀効新書茫然莫
測其旨洵乎俗駭兵曹閱
四司取掌如知我

朝兵制所以勵將士簡軍實

者猶是大司馬九伐之遺意
適友人瑞芝軒武以武經彙
解見授余讀而愛之迄今巡
歸經值西疆回匪擾及晉

郊勒兵助剿而金雞堡羊
則得此書之力也按七書
之中

四庫全書總目收其注者惟
劉寅三略直解至阮芸臺

三

相國所進則有孫子十家注
劉寅尉繚子直解道藏
則有魏武帝孫子遺說而
此書所采至八十五種可謂
賅而博矣夫歷代談兵之

書最夥然皆以七書為宗
庶罔後彙眾說而紹之其
闡發尤為美備雖六韜三
略或終偽託然言之有故指
之成理要非淺淺寡謀者

四

所能道讀兵家言者取其旨
用足矣豈必拘拘於此哉余
擬購求別本遍訪不可得深
恐前賢秘笈湮沒不傳爰
與幕中同志校而刊之使

讀之者條分縷晰瞭如指
掌庶天下智能之士得知兵
家利害為

國

家宣力四方靖內患而禦外
侮余心不大慰哉晚近士大

五

夫潤色昇平諱言韜略動以
兵凶戰危為辭而武備以廢
不知安不怠危治不怠亂古
訓有之鹿岡見及此而以興
無宜奉為作是編今甫立

鹿岡百七十年此書又復散
軼余故以壽諸公為百年
不用之備云爾

光緒二年丙子孟夏上澣
輝樓國英鼎臣氏書於

六

對青
山房

孫子序

握奇創於風后六韜出於太公說
者謂其書多後人偽託歷代
談兵者皆祖孫子兵之一道有
會心者讀孫子十三篇可以盡之
矣或謂孫子為用奇吳子為用

一

正是又不然孫子因統率奇正
者也兵詭道也奇正不足以為
其要兵大事也奇正不足以守
其方奇正有名而論兵奇正不
正者古所謂孫子家法也刻
於明燭虎圖所彙纂說更搜括

龐遠讀是書者不志佳矣

不志快也虎圖所輯書與市

向無傳本國鼎臣部轉來

原乃取所藏奉校而刻之以孫

子一書之屬系序余是望之

為將者皆能揣摩是書得孫

二

子遺意至於兵民信

皇威揚於四海聲能不遐播

願將臨於

即日某年某月兩廣總督

使臣某利某書言有功於天下

者不淺也片謄者諒不河漢

斯言

光緒二十一年十月番里梁漢館序

三

重刊武經七書彙解卷一目錄

孫子上

始計

作戰

謀攻

軍形

兵勢

孫子下

虛實

軍爭

重刊武經彙解

卷一 目錄

九變

行軍

地形

九地

火攻

用間

指兵事而言○曹操曰謂下五事七計求彼我之情也○杜牧曰先須經度五事之優劣次復校量計算之得失然後始可據

索彼我勝負之情狀
○校計是一層索情又是一層有一步深一步之意正是多算之旨
○陸羅兩日篇各始計不日之計此總揭察之要○陸羅兩日篇各始計不日之計此總揭察之要○陸羅兩日篇各始計不日之計此總揭察之要

先指出五事以見計而計可知已
國英曰計與情皆是未見兵形預計勝敗如曹劇謂魯君能用情于獄可敗齊師是以王道心法勝之至一鼓再鼓三鼓之論乃是霸者機謀故王霸之情不可不索

一曰道二曰天三曰地四曰將五曰法道者令民與上同意可與之死可與之生而不畏危也天者陰陽寒暑

重刊武經彙解卷一 孫子上

三

時制也地者遠近險易廣狹死生也將者智信仁勇嚴也法者曲制官道主用也凡此五者將莫不聞知之者勝不知者不勝故校之以計而索其情

○道大路也人之所共由者也道者仁義禮樂孝弟忠信之謂為上者漸民以仁摩民以義維持之以禮樂教之以孝弟忠信使民知親其上好之民惡有王霸之異如節用愛人孝弟此王道也如仁義惡惡之省刑薄斂謹庠序申孝弟此王道也如仁義哀死而問傷同甘而分苦此霸道也孫子蓋兼王霸而言也天地兼形體主宰言將軍帥也法規畫也此五事之命也下即申詳之令使也危喪亡也陰陽之象晦明也星雲風雨之類皆是也寒暑大寒大暑之月不宜與師冬不征北夏不征南是也時者辰日支干也制者孤虛旺相之屬金木水火土五行相剋制也遠近以里言所由所至之路也險高峻也易平坦也以

勢言也廣闊大也狹窄狹也以形言也死生以機言也安營決勝之處也智明哲也以形言也死生以機言也情見事之微詐不能欺讒不能入應變無方轉禍為福也信誠實也專慈也進必有賞退必有罰賞不私撫親待下有恩愛恤士卒不忍屠戮也勇果敢也見機則發遇敵則聞陷陣必入被圍必出雖果敢也見敗不挫也嚴威厲也軍政整齊號令如一可望而不近可畏而不可犯也曲者部曲伍有分畫也古法五人為伍五十人為隊二隊為曲曲制者金鼓旌旗有節制也官者道經校列有官庫廩餼守陣開闢有節制也官者道經校列有官庫廩餼守陣開闢事也用者車馬器械三軍需用之物也聞耳聞也知心知也深曉變極之理也校心口相語也

重刊武經彙解卷一 孫子上

四

○地者遠近險易廣狹死生也將者智信仁勇嚴也法者曲制官道主用也凡此五者將莫不聞知之者勝不知者不勝故校之以計而索其情
○道大路也人之所共由者也道者仁義禮樂孝弟忠信之謂為上者漸民以仁摩民以義維持之以禮樂教之以孝弟忠信使民知親其上好之民惡有王霸之異如節用愛人孝弟此王道也如仁義惡惡之省刑薄斂謹庠序申孝弟此王道也如仁義哀死而問傷同甘而分苦此霸道也孫子蓋兼王霸而言也天地兼形體主宰言將軍帥也法規畫也此五事之命也下即申詳之令使也危喪亡也陰陽之象晦明也星雲風雨之類皆是也寒暑大寒大暑之月不宜與師冬不征北夏不征南是也時者辰日支干也制者孤虛旺相之屬金木水火土五行相剋制也遠近以里言所由所至之路也險高峻也易平坦也以

俱劣者則未戰而先敗故彼我勝負可預知也
人解○杜牧曰言我與敵人之主誰能遠倭親賢任
人不疑也
梅堯臣曰誰能得人心也○王哲曰若韓信言項王
匹夫之勇婦人之仁名雖為霸實失天下心謂漢王
八武關秋毫無犯除秦苛法秦民無不欲大王王秦
者是也
張預曰先校二國之君誰有恩信之道即上所謂令
民與上同意者之道也
劉訥曰五事固首重道矣然是道也執之有要握之
有機茲操何術始能令此道實有于我
通義○將曰能者智信仁勇嚴運量處也夫得一能
將掃境內而屬之豈難博一勝哉而必先以有道之
主有主勝而後有將勝也上所謂智信仁勇嚴如魏大將
杜牧曰不能當韓信騎將馮敬不能當灌嬰步將項它
栢直不能當曹參是也
張預曰觀兩軍所舉誰得天時地利如沛公所居有
天子氣晉據長江之險未易可伐如魏武盛冬伐吳
則失天時慕容超不據大岷則失地利是也

重刊武經彙解卷一 孫子上 七

杜佑曰天者即上所謂陰陽寒暑時制也地者即上
所謂遠近險易廣狹死生也
梅堯臣曰齊眾以法一眾以令
徐象卿曰紀律森嚴而不亂上下遵守而盡職法令
所以行也
杜牧曰懸法設禁貴賤如一○王哲曰孰能法明令
便人聽而從
張預曰魏絳戮楊干穰苴斬莊賈呂蒙誅鄉人臥龍
刑馬謖誰能如此行也
徐象卿曰軍資得主其用兵眾所以強也
杜牧曰上下和同勇于戰為強卒眾車多為強聞鼓
而喜聞金而怒為強
王哲曰士不素習當陣惶惑將不素習臨陣間變
徐象卿曰部曲整齊士卒所以練也○王哲曰孰訓
之精
張預曰離合聚散之法坐作進退之規誰素閑習○
如李抱真籍戶三丁抽一給弓矢習射三年皆為精
兵是也
張預曰賞無度則費而無恩罰無度則戮而無威
王哲曰當賞者雖仇怨必錄當罰者雖父子不舍○

如諸葛武侯賞不遺遠罰不阿近爵不可以無功取
刑不可以貴勢免○勲勞宜賞不吝千金有犯必戮
流涕無赦誰有如此之明
賈林曰以上七事較量彼我之政則勝敗可見矣
開宗○此中校之以計而索其情其較量總不出五
事
國英曰博愛之謂仁行而宜之之謂義主孰有此道
將孰有此能兩相計校則勝負見

將聽吾計用之必勝留之將不聽吾計用之必敗去之

直解○此將字指偏裨而言也聽從也留委任也去
廢棄也

彙解○孟氏曰將裨將也聽吾計畫而勝則留之違
吾計畫而敗則除之

通義○計誠得矣祇以將有聽不聽而勝敗又分用
將者可審敵其于勝敗皆曰必者蓋預料其必至

重刊武經彙解卷一 孫子上 八

此因遂留之去之豈待其勝敗既分而後議哉城濮
之役子玉憑軾是請是不聽主計者耶之戰先穀以
中軍佐濟是不聽將計者咎在將耶在用將者耶街
亭之戰孔明明達玄德之先見用謬致敗其可訓乎馬
謖違孔明節制舍水上山安得不敗
通義○此言偏裨將不可不擇其人也
故古語有之陽奉陰違用之戰則自私自利故必敗
國英曰將之聽計在平日整風俗厲廉耻若臨敵選
將而後聽其聽計非廟堂勝筭也故仕宦風靡廉耻道
消者是為自伐

計利以聽乃為之勢以佐其外勢者因利而制權也兵
者詭道也故能而示之不能用而示之不用近而示之
遠遠而示之近利而誘之亂而取之實而備之強而避
之怒而撓之卑而驕之佚而勞之親而離之攻其無備

對食呈出

直解計謀既有利也以聽將復聽命也勢也佐輔助也其外常法之外也利制敵權因一時之便也隨物之輕重而轉移者也因利制權也權稱鍾利于我者而制為權變者方也詭譎詐也道方術也非論不可以行權非權不可以制敵也能指將才言也才能無才也示令敵見也示之不能令其輕忽我也用委任也示令廢棄也示之不用令其無忌憚我也近遠指地里言近反示之遠遠反示之近令其無所防備也利縮重貨物也誘引動也亂紛擾也乘其紛亂而取之也實充實也如行陣堅整法令嚴明人馬精壯糧食豐足敵之實也備之者如謹烽火遠斥堠固壘壁撫士卒併氣力當間諜以退之也強者威名銳氣乘勢遠聞鋒不可當者也避退而勿急之爭也忿激之使怒也撓謂搖動之也彼剛戾偏急性不堅一定者則撓之使憤激輕戰也卑屈抑也甘言遜辭以逞敵人之驕縱也佚安佚也勞疲困也彼出則歸彼歸則出救左則右救右則左令敵日不得食夜不得息也親所愛之人也離分疎也間其君臣散其交援

卷

孫子

九

反其將任去其謀主也無備懈怠不設備也不意空
虛之地不料我之至也出者我兵行出于此地也傳
漏洩也
霸解○劉寅曰計在內者勢在外者以五事計之于
我則大經已立無不利矣求之諸將而又皆足以聽
其任用然徒待計與將而迷與敵接戰以取勝于鋒
鏑之間則亦不可又必設爲形勢于外以爲七計之
助而所謂勢者不可以預定者也乃因其所利而制
爲權變者也
梅堯臣曰計定于內爲勢于外以助成勝
曹操曰制由權也權因事制也○張預曰所謂勢者
須因事之利制爲權變以勝敵耳
指南○因利二字要重發制權制字正從因字出
通義○夫勢非權之爲而誰爲之哉權自我制而貴
因何也夫權懸之無心以聽物之自取者也則天下
言善因者無如權乃夫人自有本然之權而不能不
與以有心者無心則與權之義不協惟能因物而計而
與世推移乃見心無所主萬物至而制之是得權之
精而用之也
先儒以反經合道爲權兵家用權其事或出于至猥

至瑣類詩類張吾不卽于道何如也而批涼導穢兵
不力交質之有道當有取焉耳
曹操曰兵無常形以誦詐爲道○李奎曰兵不厭詐
○王皙曰詭者所以求勝○眾必以信也
張頌曰用兵雖本于仁義然其取勝必在詭詐故曳
柴揚塵樂枝之譎也萬弩齊發孫臏之奇也千牛俱
奔田單之權也囊沙壅水淮陰之詐也此皆用誦道
而制勝也
通義○兵者以下言制權也以道勝者必謹言詭而
孫子直以兵爲詭道焉凡兵有情情見則勢屈雖欲
勿詭烏得而勿詭詭者示其形隱其情之謂也
句解○兵者數句詳言詭道之實能而示之不能十
四句皆是制權處
鄭詁○詭道二字兵非止是詭敵並詭我士卒使之
由而不知
利而誘之八句分明畫出權字示人故析觀之有輜
銖不喪意統觀之有低昂無定意而究權之用則因
也
孫臏軍中減竈而斃龐涓仲達不取小利卒斬文懿
能而示之不能也

卷

孫子止

十

班超擊莎車詭一敵兵以擒擊鮮卑詐稱璽書召還孫權露檄召還呂蒙以孫遜代之魏而示之不用也李筌曰乃敵失備也漢將韓信虜魏王豹初陳舟欲渡臨晉乃潛師浮木龍從夏陽襲安邑而魏失備也問荊○耿弇擊張步聲言攻西安而拔臨淄岑彭中令西擊山都而潛兵度笮擊破秦豐近而示之遠也于臯討李希烈見其立柵蒙山險阻聲言同取蘄州希烈率艦相持臯密令步卒乘流破之遠而視之近也杜牧曰欲近襲敵必示以遠去之形欲遠襲敵必示以近進之形賈林曰去就在我敵何由知○杜佑曰欲近而設其遠也欲遠而設其近也張預曰欲近襲之反示以遠欲遠攻之反示以近梅堯臣曰彼貪利則以貨誘之張預曰示以小利誘而克之若楚人伐絞莫敖曰絞小而輕請無杆采撝者以誘之于是絞人獲楚三十人明日絞人爭出驅楚役徒于山中楚人設伏兵于山下而大敗之是也杜牧曰趙將李牧大縱畜牧人眾滿野佯北不勝單

重刊武經彙解

卷一

孫子上

十一

于聞之大喜率眾大至牧多為奇陣左右夾擊大破
開宗○若張良遺重寶以啗賈孺曹操棄輜重而誘
袁紹是也
左傳○兼弱攻昧取亂侮亡○春秋之法凡書取者
言易也魯書取郛是也
李筌曰敵人貪利必亂也○梅堯臣曰彼亂則乘而
取之
王哲曰亂謂無節制取言易也
黃皇肱曰有因敵國紛亂取之者如梁伯好土工民
疲弗堪而秦取之宋康王射天竺地焚滅社稷為長
夜之飲齊楚魏共伐之又如蕭統乘勝渡江委舟而
掠李靖乘其眾亂而急破之是也有設為方畧亂其
軍而取之如謝元之說符堅退軍秦軍因退而亂元
遂進兵擊之馮異與赤眉戰使士卒皆朱其眉變服
同賊以相亂遂破之是也
李靖軍鏡曰觀其虛則進見其實則止
張預曰有餘則實不足則虛也言敵人兵勢既實則
我當為不可勝之計以待之勿輕舉也
開宗○彼軍既實我當預備如趙奢厚集其陣以待
秦兵是也
曹操曰避其所長也○李筌曰量力也
杜牧曰以敵入乘兵強氣銳則當須且回避之待其衰
懈俟其間隙而擊之
賈林曰以弱制強理須待變○王哲曰敵兵精銳我
勢寡弱則須退避
張預曰經曰無邀正正之旗無擊堂堂之陣言敵人
行陣修整節制嚴明則我當避之不可輕肆也
開宗○彼勢若強我當引避如王霸避蘇茂周建之
鋒○夫謂楚兵輕剽難與爭鋒杜牧曰以待其疲是也
左傳○晉人執宛春以怒楚○杜牧曰大將剛戾者
可激之令怒則逞志快意志氣撓亂不顧大謀也○
張預曰寬不可激而怒言性寬者則不可激怒而致
之彼性剛忿則辱之令怒彼必不謀而輕進
何氏曰項羽使曹咎守成皐漢王挑戰不出使人辱
之咎怒渡兵汜水為漢王所獲魏王挑戰不出使人辱
陵果將施績夜遁八城昶公所獲魏王昶戰不出使人辱
之績果來追為昶兵所破唐公引兵趣霍邑恐宋老
生不出詭辱之老生怒引兵出戰被擒是也
李筌曰幣重而言甘其志不小○梅堯臣曰示以卑

重刊武經彙解

卷一

孫子上

十二

弱以驕其心
張預曰或卑辭厚賂或羸師佯北皆所以令其驕怠
會一雲曰句踐事吳列土皆有賂子胥以為參吳
徐玉材曰唐高祖與李密書曰當今司牧非子而誰
當果以驕取敗馬燧賄書田悅示好悅以其畏已大
喜燧卒取悅是也
句踐○詐為尊奉以驕敵志
陸經翼曰句踐事吳請為臣妾陸遜圖荊州致書雲
長謙下自託
開宗○或敵國安佚誘使興作以勞其民或彼師安
佚書出旌旗夜多火鼓以擾之○曹操曰以利勞之
吳公子光問伐楚于伍員員曰可為三軍以肆馬我
一師至彼必盡出彼出則歸亟肆以疲之多方以誤
之然後三師以繼之必大克從之于是子重一歲七
奔命于是乎始病
陳醇曰彼悅爵祿此必捐之彼膏財貨此必輕之彼
好殺罰此必緩之因其上下相猜得行離間之說由
余所以歸秦英布所以佐漢也
李筌曰秦伐趙秦相應侯間于趙王曰我惟懼趙用
括耳廉頗頗易與也趙王然之乃用括代頗為秦所坑
卒四十萬于長平
陳平言于漢王曰今項王骨鯁之臣不過亞父鍾離
昧龍且周殷之屬不過數人大王誠能捐數萬斤金
間其君臣彼必內相誅漢因舉兵而攻之滅楚必矣
漢王然之出黃金四萬斤與平使之反間項王果疑
項王父不急于榮陽
也○夫以兵時動有時餌兵而誘敵利之以害之
也兵以治勝有時開亂而形敵與之以取之也○此
說與前異○忿速者可侮則激怒而撓之於調者上
人則卑詞而驕之凡皆因敵之失處制權也敵實則
慮其擣我之虛故備之有以我故勞之有以致之敵
之敵伏則我養之故備之有以我故勞之有以致之敵
制權也謂此是以盡變則一隅尚何可窮而八者不啻
少謂此不足以盡變則八事益稽實待虛之義也
孫子所為列此八事益稽實待虛之義也
曹操曰擊其懈怠出其空虛
張預曰攻無備者謂懈怠之處敵之所不虞者則擊

之出不意者謂虛空之地敵不以為慮者則擊之
李靖圖蕭銑集兵夔州銑以時屆秋潦江水泛漲三
峽路危必謂靖不能進遂不設備靖曰兵貴神速進
兵至夷陵銑始懼遂降
孫艾伐蜀姜維守劍閣艾言請從陰平由邪徑行無
人之地七百餘里鑿山通道以徂自襄桂轉而下將
上皆攀木緣崖魚貫而進先登至江油進軍至成都
蜀主劉禪降
曹操曰傳猶洩也○杜牧曰傳言也○王哲曰乘機
失勝不可預傳述也
杜牧曰不可先傳全重一先字兵家勝着我與人說
不得藉或不密而先傳之其何以致人而不致于人
子故特誠其預洩也
○兩敵相持勝既在我敗必在敵我若以所詐
之事告人則是勝告人矣
○形于語言並不可露于跡象
○此言度勢以制權宜佐內謀之所不逮
完顏瑞斌曰數事乃申明論詐制勝之端因利制權
之術要在機謀秘密方期有成

重刊武經彙解

卷一 孫子上

三

國英曰兵行詭道王者弗尚然不可不知詭道以助
敵人若霸者則專事詭道能制一時之勝不足以持
久安故勝在德不在巧

夫未戰而廟算勝者得算多也未戰而廟算不勝者得
算少也多算勝少算不勝而況於無算乎吾於此觀之

勝負見矣

直解○廟算古者與師命將必致齋于廟授以成算
然後遣行謂之廟算言廟算先有勝人之策者由其
籌畫計謀之多也先無勝人之策者由其籌畫計謀
之寡也得算者謀之周到有得也觀之觀用兵之人
也
葉解○杜牧曰廟算者計算于廟堂之上也
張預曰籌策深遠則其計所得者多故未戰而先勝
謀慮淺近則計所得者少故未戰而先負
指南○智者千慮必有一失愚人千慮必有一得此
得字所謂着着算到

文訣○多算勝須是有大精神大識見大智慧大才
幹算得始有實際始無遺漏
通義○將之達權者其變不可勝窮故以多算結之
○兵法貴于未戰故歸之廟算夫兵懸權而動開外
制之而仰成于廟算乎蓋自古未有上將之間道不
同謀而不合而能相與以有成者
夫算而得安論多少然必以多為貴斯合達權之義
少則失權而于制勝之道有闕故兵之勝不勝此足
以觀矣豈待戰而後見哉
劉或曰夫未戰而後見廟堂之上以五事七計校量
之或得八九焉是得算多而必勝也未戰之先于廟
堂之上以五事七計校量之或得四五焉是得算少
而不勝也吾以此五事七計觀彼我之情則勝與負
洞然可見矣
開宗○此結言五事七計選將度勢其得算貴多也
全旨○此章孫子蓋為後世不知兵者易言兵一旦
身當元戎恐無以副國家之重任故著易言兵使人
讀之而知其法又不泥于法庶可以任故著易言兵
不用兵也作者其有憂患之思乎自古先王權德不
觀兵兵者不得已而用之者也聖人制兵用以濟德

重刊武經彙解

卷一 孫子上

五

禮之窮輔政刑之不及于氣運盛衰人事得失甚有
關係一日無兵使有一日之危一處無兵便有一處
之危惟知兵而用即轉危為安轉禍為福轉亂為
治故大易著師貞秋書大閱皆總總過計也孫子
十三篇首始計計字固重始字亦不輕蓋有計謀而
不早圖之安危勝負未可必也始計一章前半是經
後半是權而歸重于廟算經者常也有一章然後開
行權蓋經以立本權以盡變始計之意一章分三段
言人君與大將之廟堂之上經以五事校以七計校
索彼我之情二段言主將選用偏裨而授之以計三
段言因利制權設形勢以爲取勝之方未總結言
算多則其策良算少則其策拙爲取勝之方未總結言
用兵哉故曰以此觀之勝負見矣
一章分兩段各有結語前結以計之得失分勝負後
結以算之多少分勝負中間過脈處謂爲之勢以佐
其外夫後爲佐之者則前有主之者可知已用之義
前半爲勝之主以後半爲主之佐則權權五用之義
也總主常故計所指者其數五權主權權五用之義
八事而萬變宗焉不可窮以數也故歸之多算亦止